

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

Vtru[m] oporteat aliquem alium? 7

urn:nbn:de:hbz:466:1-38762

QVÆST. LXII. ART. VI. 93

pit lumen à candela alterius. Et ideo quamvis ille qui abstulit, non habeat id quod accepit, sed in alium sit translatum: quia tamen alter priuatur re sua, tenetur ei ad restitutionem, & ille qui rem abstulit ratione iniuriosa actionis, & ille qui rem habet ratione ipsius rei.

Ad secundum dicendum, quod homo, et si non tenetur crimen suum detegere hominibus, tenetur tamen crimen suum deregere Deo in confessione. & ita per sacerdotem, cui confiteritur, potest restitutionem facere rei alienæ.

Ad tertium dicendum, quod quia restitutio principiter ordinatur ad remouendum damnū eius, à quo est aliquid iniuste ablatum: ideo postquam ei restitutio sufficiens facta est per unum, alij non tenentur ei ulterius restituere, sed magis refusationem facere ei qui restituit; qui tamen potest condonare.

ARTIC. VII.

Vtrum illi, qui non acceperunt, teneantur restituere?

A D septimum sic proceditur. Videtur, quod illi, 350
qui non acceperunt, non teneantur restituere. 4. dis. 15.
Restitutio enim quedam pœna est accipientis. Sed 7. 1. a. 5.
nullus deberet puniri, nisi qui peccauit. Ergo nullus 2. 3.
debet restituere, nisi qui accepit.

¶ 2 Præterea, iustitia non obligat aliquem ad hoc, quod rem alterius augeat. Sed si ad restitutionem teneretur non solum ille qui accepit, sed etiam illi qui qualitercumque cooperantur, augeretur ex hoc res illius, qui est aliquid subtractum: tum quia sibi multoties restitutio fieret: tum etiā quia quandoque aliqui operam dant ad hoc, quod aliqua res alicui auferatur, quz tamen non ei auferunt. Ergo non tenentur alij ad restitutionem.

¶ 3 Præterea, Nullus tenetur se periculo expondere ad hoc, quod rem alterius saluet. Sed aliquando manifestando latronem, vel ei resistendo, aliquis periculo mortis se exponeret. Non ergo tenetur aliquis

quis periculo mortis se exponeret. Non ergo tenetur aliquis ad restitutionem propter hoc, quod non manifestat latronem, vel ei non resistit.

SED contra est, quod dicitur Rom. 1. Digni sunt morte, non solum qui faciunt, sed etiam qui consentiunt facientibus. Ergo pari ratione etiam consentientes debent restituere.

RESPONDENDO dicendum, quod sicut dictum est*, ad restitutionem tenetur aliquis, non solum ratione rei alienæ, quam accepit; sed etiam ratione iniuriosæ acceptio[n]is. Et ideo quicumque est causa iniustæ acceptio[n]is, tenetur ad restitutionem. Quod quidem contingit dupliciter, directè scilicet, & indirectè. Directè quidem, quando inducit aliquis alium ad accipiendo. Et hoc quidem tripliciter. Primo quidem modo, mouendo ad ipsam acceptio[n]em, quod quidem fit præcipiendo, consulendo, consentiendo expressè, & laudando aliquem, quasi strenuum de hoc, quod aliena accepit. Alio modo ex parte ipsius accipientis, quia scilicet cum receperat, vel qualitercumque ei auxilium fert. Tertio modo, ex parte rei accepta: quia scilicet particeps est furti vel rapina, quasi socius malitiae. Indirectè vero, quando aliquis non impedit, eum possit, & debeat impeditre; vel quia subtrahit præceptum, sive consilium impediens furtum vel rapinam; vel quia subtrahit suum auxilium, quo posset obſistere; vel quia occultat post factum. Quæ his verbis comprehenduntur,

Jusso, consilium, consensus, palpo, recursus, Participans, mutus, non obſans, non manifes-tans.

Sciendum tamen, quod quinque præmissorum semper obligant ad restitutionem. Primò, iusso, quia scilicet ille qui iubet, est principaliter mouens: unde ipse principaliter tenetur ad restituendum. Secundò, consensus, in eo scilicet fine quo rapinari non potest. Tertio, recursus, quando scilicet aliquis

aliquis est receptator latronū, & eis patrocinii præstat. Quartò, participatio, quando scilicet aliquis participat in crimine latrocinij, & in præda. Quinto, tenetur ille qui non obstat, cum obstatre teneatur. Sicut principes qui tenētur custodire iustitiā in terra, si per eorum defectum latrones increficanz, ad restitu tionē tenentur: quia redditus quos habent, sunt quasi stipendia ad hoc instituta, ut iustitiam conseruent in terra. In alijs autem casibus enumeratis, non semper obligatur aliquis ad restituendum. Non enim semper confilium, vel adulatio, vel aliquid huiusmodi, est efficax causa rapinae. Vnde tunc solum tenerur consiliator, aut palpo, idest adulator, ad restitutionem, quando probabiliter estimari potest, quod ex huiusmodi causis fuerit iniusta acceptio subsecuta.

Ad primum ergo dicendum, quod non solum peccat ille qui peccatum exequitur, sed etiam qui quemque modo peccati est causa, sive consiliando, sive præcipiendo, sive quevis alio modo.

Ad secundum dicendum, quod principaliter tenetur restituere ille, qui est principalis in facto: principaliter quidem præcipiens: secundario verò exequens: & consequenter alijs per ordinem. Vno tamen restituente illi qui passus est damnum, alias eidem restituere non tenetur: sed illi qui sunt principales in facto, & ad quos res peruenit, tenentur alijs restituere, qui restituerunt. Quando autem aliquis præcipit iniustam acceptiōnem, qua non subsequitur, non est restitutio facienda: cum restitutio principaliter ordinetur ad reintegrandam rem eius, qui iniuste est damnificatus.

Ad tertium dicendum, quod non semper ille qui non manifestat latronem, tenetur ad restitucionem, aut qui non obstat, vel qui non reprehendit: sed solum quando incumbit alicui ex officio, sicut principibus terræ, quibus ex hoc non multum imminet periculum. Propter hoc enim potestate publica potiuntur, ut sint iustitia custodes.